

Z A K O N
O IZMJENAMA I DOPUNAMA
ZAKONA O SOCIJALNOJ ZAŠTITI
BRČKO DISTRIKTA BOSNE I HERCEGOVINE

Na osnovu člana 23 Statuta Brčko distrikta Bosne i Hercegovine, Skupština Brčko distrikta BiH, na 78. sjednici održanoj 19. novembra 2003. godine, usvaja

Z A K O N

O IZMJENAMA I DOPUNAMA ZAKONA O SOCIJALNOJ ZAŠTITI BRČKO DISTRIKTA BOSNE I HERCEGOVINE

Član 1

U Zakonu o socijalnoj zaštiti Brčko distrikta BiH («Službeni glasnik Brčko distrikta BiH» broj 1/2003) član 18 mijenja se i glasi:

«Starim licima bez porodičnog staranja u smislu ovog zakona smatraju se lica starija od 65 godina, odnosno koja nemaju članova porodice ili srodnika koji su po zakonu obavezni da ih izdržavaju ili da i sami ispunjavaju uslove iz člana 31 tačke 2 i 3 i člana 33.»

Član 2

Član 23 mijenja se i glasi:

«Samohranim roditeljem smatra se roditelj koji se sam brine o djetetu ili djeci.»

Član 3

Član 32 mijenja se i glasi:

«Pravo na jednokratnu novčanu pomoć ima lice kojem je usljed posebnih okolnosti potreban odgovarajući oblik socijalne zaštite. Posebni uslovi za ostvarivanje jednokratne novčane pomoći su:

- da ima prebivalište na teritoriji Brčko distrikta BiH;
- da nema srodnika koji su po zakonu obavezni da ga izdržavaju ili, ako ih ima, da nisu u mogućnosti izvršavati obavezu izdržavanja;
- da ima mjesečne prihode manje od 45% od prosječne mjesečne plaće;
- ako stanje socijalne potrebe ne može biti zadovoljeno po osnovi drugog zakona ili propisa.

Jednokratna pomoć ne smije preći iznos stalne osnovne novčane pomoći isplaćene u tekućem mjesecu u skladu sa ovim zakonom i može biti dodijeljena korisniku najviše 3 (tri) puta godišnje.

Suprotno od prethodnog stava, naknada zbog smrti jednog ili više članova porodice korisnika stalne osnovne novčane pomoći će biti isplaćena po preminulom članu porodice samo jednom u trostrukom iznosu stalne osnovne novčane pomoći za mjesec u kome se isplaćuje.»

Član 4

Član 36 stav 1 tačka 5 mijenja se i glasi:

«5. jednokratne novčane pomoći».

Član 5

U članu 37 dodaju se stavovi 3 i 4 koji glase:

«Korisniku prava na stalnu osnovnu novčanu pomoć, licima smještenim u ustanove socijalne zaštite duže od 30 dana, licima smještenim u hraniteljskoj porodici duže od 30 dana pripada i pravo na zdravstvenu zaštitu ukoliko to pravo ne može ostvariti po drugom osnovu.

U izuzetnim slučajevima za lica koja nisu navedena u članu 37 stav 1 Zakona o socijalnoj zaštiti šef Odjeljenja za zdravstvo i usluge građanima može izdati upravni akt o pravu na zdravstvenu zaštitu u postupku koji sprovodi Centar za socijalni rad Brčko distrikta BiH.»

Član 6

Član 39 mijenja se i glasi:

«Stalna osnovna novčana pomoć određuje se u visini od 10% od prosječne plaće utvrđene u posljednja tri mjeseca u Brčko distriktu BiH.»

Član 7

Član 40 mijenja se i glasi:

«Korisniku stalne osnovne novčane pomoći:

- koji se nalazi na izdržavanju zatvorske kazne duže od 30 dana,
- smještenom u ustanovu socijalne zaštite duže od 30 dana,
- smještenom u hraniteljskoj porodici duže od 30 dana,

ne pripada stalna osnovna novčana pomoć.

Članovima domaćinstva korisnika iz prethodnog stava može se odrediti stalna osnovna novčana pomoć, ako za to postoje opravdani razlozi.»

Član 8

Član 42 mijenja se i glasi:

«Dodatak za školovanje i osposobljavanje za rad pripada djeci s posebnim potrebama do navršene 26. godine života.»

Član 9

Član 66 mijenja se i glasi:

«Centar za socijalni rad, koji pruža usluge socijalnog rada u postupku rješavanja prava iz oblasti socijalne zaštite, može svakog trenutka izvršiti reviziju nad priznatim pravom korisnika, shodno izlasku u terensku posjetu (uvidom na licu mjesta), službenom dokazivanju o posjedovanju pokretne imovine, tj. automobila ili pak mobilnog telefona (koji se smatraju luksuzom), te na taj način utvrditi okolnosti koje utiču na ostvarivanje prava.»

Član 10

U članu 84 stavovi 1 i 2 broj «84» zamjenjuje se brojem «3».

Član 11

Ovaj zakon stupa na snagu 8. (osmog) dana od dana objavljivanja u «Službenom glasniku Brčko distrikta BiH.»

Б о с н а и Х е р ц е г о в и н а

B o s n a i H e r c e g o v i n a

БРЧКО ДИСТРИКТ

BRČKO DISTRIKT

БОСНЕ И ХЕРЦЕГОВИНЕ

BOSNE I HERCEGOVINE

СКУПШТИНА БРЧКО ДИСТРИКТА

SKUPŠTINA BRČKO DISTRIKTA

Broj: 0-02-022-430/03

Brčko, 19. novembar 2003. godine

PREDSJEDNIK
SKUPŠTINE BRČKO DISTRIKTA

Mirsad Đapo, dipl. pravnik

This document was created with Win2PDF available at <http://www.daneprairie.com>.
The unregistered version of Win2PDF is for evaluation or non-commercial use only.